

Guaraní - Espíritu Ñorãirõ Ñandejára Ñe'ẽ - SW Intro Scriptures

Lucas 17:5 Umi apóstol ojerure Ñandejárape: --Eme'ẽve oréve pe jerovia.
Romanos 10:17 Aipórõ, jajerovia niko ñahendu rire ae pe marandu, ha pe
marandu ou Cristo ñe'ëgui.

Lucas 11:1 Ojerurévape niko oñeme'ẽ, ohekáva katu ojuhu, ha pe okẽ
ombotávape ojepe'a.

1 Timoteo 2:1-4 Tenondete ha'e oñeñembo'e vaerã, ojejerure asy vaerã
opavavére ha oñeme'ẽ vaerã Tupãme aguije opa yvypóra rehahápe. 2
Oñeñembo'e vaerã umi tetã sãmbyhyhárare, mburuvicha kuérare, ikatu
haguã jaiko py'a guapýpe ha ñorãirõ'ŷre, jeporahurerekópe ha
ñemomba'épe. 3 Upéva iporã ha ombohory Tupã ñande pysyrõvape. 4 Ha'e
niko oipota opavave toñepysyrõ ha toikuaa pe añetegua.

Zacarías 3:1,2 Upéi Ñandejára ohechauka chéve Josué, pa'i guasu oñembo'ýva
Tupã remimbou*f** renondépe. Ha ijakatúape Tupã rembiguái
oporomombe'úva oñe'ẽ vai haguã hese. 2 Upérõ Tupã remimbou he'i chupe:
“Ñandejára ta ndeja'o! Ñandejára ohayhúva Jerusalénpe ta ndeja'o! Ko
kuimba'e hína peteĩ yvyra oñerenohéva tatágui ani haguã okaipa!

Efesios 6:12 Nañañorãirõi niko hína yvypóra kuéra ndive. Ñañorãirõ uvei umi
yvategua mba'e pochy kuéra ndive, imbarete ha oguerekóva ipoguýpe ko'ã
ára jaikoha, pyharéicha iñypyttuva.

Efesios 6:10,11 Ha ko'ágã che ryvy kuéra, ta pene mbaretéke pejoajúvo
Ñandejára ndive ha ipokatu ta pene mombarete. 11 Pemoĩ pende jehe opa
mba'e Tupã ome'ẽva peẽme peñorãirõ haguã mba'e pochy ndive, péicharõ
hatã peiméta ani haguã pene mbotavy Aña.

Efesios 6:13-17 Upévare, pemoĩ pende jehe umi mba'e Tupã ome'ẽva peẽme
peñemo'ã haguã. Péicharõ, peropu'akáta mba'e vai ojeityha ára pende ári, ha
pehasa rire opa mba'e ivaíva, pejuhu nda pe guevíri hague. 14 Upévare
peñembosako'i hatãke. Pereko pende jehe añetegua ku pende ku'a jokuaha
ramo, ha teko joja ku pende pyti'a mo'ãha ramo. 15 Opa árape peime pesẽ
haguãicha pemoherakuã ñe'ẽ py'a guapy oguerúva. 16 Opa ko'ã mba'e ári,
pende jerovia pereko pende rete mo'ãha ramo, ani haguã Aña hu'y rendy
ojekutu pende rehe. 17 Pene akãre pemoĩ pysyrõ Tupã ome'ẽva peẽme, ha
Ñandejára Ñe'ẽ pereko pende pópe ku kyse pukúicha, Espíritu Santo
ome'ẽva peẽme.

Hebreos 4:12 Ñandejára Ñe'ẽ niko oikove ha ipu'aka. Hääimbeve kyse puku
hääimbe jováivagui, ha ojasuru ñande py'a ha ñande espíritu ipypukuvehápe,
ñande py'apy okañyvehápe, ha oipyguara ñane remiandu ha ñande py'a

pota.

Lucas 4:8 Jesús katu he'i chupe: --Ñandejára Ñe'ẽme niko he'i: "Emomba'e guasu Tupā nde Járape, ha chupe aňoite remomba'e guasu vaerā".

Efesios 6:18 Peñembo'éke ha opa pejerure Tupāme pene pytvõ haguã, Espíritu Santo oñandukaháicha peẽme. Aníke peñeme'ëtei ha pende py'a kangy. Peñembo'e umi Tupā mba'evare.

1 Samuel 17:45-47 David he'i chupe: —Nde reju chéve kyse puku ha kyse yvuku reheve, che katu aju ndéve Tupā ipu'akapáva, Tupā Israelgua ñorãiröhára Jára rérape. Umívape nde remoñarõ reikóvo. 46 Ko'ágã Tupā ne me'ëta che pópe ha ko árape voi rojukáta ha roñakã'óta. Ha filistéo ñorãiröhára re'öngue kuéra ahejáta yryvu ha tymba ñarõme hembi'urã. Péicha opavave ko yvy ári oikuaáta oïha Tupā Israélpe. 47 Opa ko'ápe ijatýva oikuaáta Tupā ndoporope'aiha jejopy vaígui kyse puku térra kyse yvukúpe. Tupā hína pe oñorãirõta ha pene me'ëtava ore pópe.

Lucas 10:17-20 Umi 72 ou jey hikuái vy'apópe, ha he'i: --Ore Jára, umi mba'epochy jepe ojapo ro'eva nde rérape. 18 Jesús he'i chupe kuéra: --Upéicha. Che ahecha Satanápe ho'a ramo yvágagui aratirícha. 19 Che ame'ë vaekue peẽme pokatu peguata haguã mbói ha alakran apytépe, ha pende pu'aka haguã umi pende rehe ija'e'ývare, ojehu'yre peẽme mba'eve ivaíva. 20 Anínte pevy'a umi mba'epochy ojapo haguére pejéva. Pevy'a uvei oimemaháre pende réra ojehai yvágape.

2 Corintios 10:3-5 Yvypóra ramo jepe, ndaikói yvypóra rekópe. 4 Ha ndaha'ei aňorãirõva umi mba'e yvypóra oiporúva oñorãirõ haguã reheve. Che aňorãirõ Tupā pokatu rupi, ikatúva omboguarara yvýre umi óga mbarete. Ha upéicha ahundi opa mba'e oje'eva, 5 ha opaichagua juru atã ojokoséva ani haguã ojekuaa Tupāme. Opa yvypóra remiandu amoř Cristo poguýpe iñe'ë rendu haguã chupe,

2 Timoteo 1:7 Pe Espíritu Tupā ome'ëva ñandéve niko ndaha'ei jakyhyje haguã avavégui, ñande py'a ñamombarete haguã katu, ha japorohayhu ha ñane akã guapy haguã.

Mateo 12:28,29 Che amosë ramo mba'epochy Tupā Espíritu rupi, upéva he'ise Tupā sãmbyhy oguahëmaha peẽme. 29 Avave ndoike mo'äi peteř kuimba'e imbaretéva rógame omonda haguã chupe, ndoipokuái ha ndoipykuái raëirõ. Péicha ojapo ramo mante ikatúne omonda chugui.

Efesios 1:13 Peë avei pehendu umi ñe'ë aňetéva, marandu porã pene pysyrõva. Pejerovia Cristo rehe ha Tupā omoř pende rehe imba'eha, ome'ëvo peẽme Espíritu Santo he'i haguéicha ome'ëtaha.

Hechos 19:6 ha Pablo omořivo ipo hese kuéra, ou avei hi'ári kuéra Espíritu Santo, ha oñe'ë ñe'ë ojekuaa'ývape ha ohenduka pe Ñandejára he'íva ha'e kuéra rupi.

Marcos 16:15-18 Ha he'i chupe kuéra: "Tapeho opa rupi ko yvy jerekuévo ha pemombe'u opavavépe upe marandu porã. 16 Pe ogueroviáva ha oñemongaraikáva ohupytýta ivaívagui ñesë, pe oguerovia'ýva katu ohóta aña retâme. 17 Ha ko'ã techaukarã omoirûta umi ogueroviávape: che rérape omosëta mba'epochy, oñe'ëta ñe'ë pyahu, 18 ipópe oguerekota mbói, ha ho'u ramo pohã vai ndojapo mo'äi mba'eve hese kuéra, omoïta ipo hasývare ha oporomongueráta."

1 Juan 1:9 ha ñañemombe'úrõ ñane angaipágui, ikatu jarovia Tupã, heko jojáva, oheja reitaha ñane angaipa ha ñane mopotítaha opa teko añágui,

Éxodo 20:5 Ani reñesü mba'eveichagua ta'ëngä renondépe térra remomba'e guasu chupe. Cháke che hína Tupã nde Jára ha ndaipotái che myengovia avavére. Ainupã pochy umi oñemoïvape che rehe ha ita'yra kuérape, ñemoñare mbohapyha térra irundyha peve.

Salmos 109:17 Opavave rehe ojahéi vaekue, toiko ijahéipy ramo.

Jeporohovaságui ndoikuaaséi vaekue mba'eve, tojehovasa'ý.

Jueces 16:16 Ha manterei oporandu chupe. Hapykuéri niko oiko ha oporandu jey-jey chupe ha amo ipahápe omonguerairóma Sansónpe.

Efesios 4:26 Pende pochy ramo, ani pe'a angaipápe. Ani peheja kuarahy oike jepe pende pochy poi haguã.

Romanos 14:12 Aipórõ, peteñ-teñ ñande ñañemombe'u vaerã Tupãme.

1 Juan 2:23 Umi ndoikuaaséiva mba'eve Ta'yragui, ndoguerekói hendive Túvape. Pe oguerohorýva Ta'yrape katu oguerekó hendive Túvape.

Juan 14:6 Jesús he'i chupe: --Che hína upe tape, upe añete ha upe tekovete. Che rupi mante ikatu oñeguahë che Ru rendápe.

Mateo 11:28-30 Peju che rendápe opa peñ pene kane'õ ha pembáapo pohýiva, ha che pomombytu'úta. 29 Peheja tamoñ pende apére che mba'e pohýi, ha pejapo che ha'éva peñme. Ha peikuaáta che py'a porãha ha ndajejapoíha, ha che ndive pejuhúta pytu'u. 30 Pe mba'e pohýi amoñtava pende apére niko iveauýita peñme, ha ndaipohýi mo'äi upe aipotáva peraha.

2 Corintios 6:2 Ha'e he'i Ikuatiañe'ë Ñe'ëme: "Ou porãrõ guare ndéve rohendu vaekue, ha ho'a vaírõ guare ndéve roipytyvõ vaekue." Ko'ágã hína pe ñepytyvõha ára, ikatu haguã oñesë jejopy vaígui.

Romanos 10:13 Ñandejára Ñe'ë niko he'i: 'Opa oñembo'éva Ñandejárape, oñepysyrôta.'